

橋尚行八日方見分茆銅柱自過江板蒙
起沿途俱葬地貼浪要十六日欽州要二
十日方到守仁遂執筆記之以報是銅柱
一耳未嘗有別銅柱也

銅鐘

相傳爲靈覺寺鐘夜飛入鐘灣與龍關
者今鎖以鉄絙于府學明倫堂事不經

見然陶範之精巧鑄字之道麗亦一奇物
寧衛將軍官領南柵聖翊軍賜金圓符陳
遣奉命西伐軍次卑哈海口與士卒漁於
海畔偶得茲鐘視之無宛攬之形叩之有
瀏亮之聲示諸將皆以爲吉兆乃載歸入
寺銘曰嗚呼斯鐘八音之一沉于海波殆
成棄物數不可逃理有可必舉網得之一
朝浮出濯爾泥污發爾精明穹窿其質瀏
亮其聲乃載之歸童鄉之寺懸之飛樓用
爲法器寧衛得鐘衆人所云鐘得寧衛惟
予所聞尚楊乃武以樹乃勲與鐘俱鳴永
永無垠大越昌符九年歲次乙丑春二月

下澣日光祿大夫守中書令翰林院大學士奉旨賜金魚袋上護軍胡宗鷺撰中涓大夫內寢學生書史正掌下品奉御阮廷玠書按大越乃安南李日尊改國號也

銅鼓

晉書諸獠並鑄銅爲大鼓初成懸于庭中置酒以招四方同類來者有豪富子弟則以金銀爲大釵執以叩鼓乃遺主人故今廉境村落時有掘得者永樂鄉團光村有銅鼓井銅鼓塘相傳掘地得之遂成井泉故名昔伏波征交趾時駱越銅鼓甚多歸鑄馬以獻或以爲伏波孔明征蠻之物則誤矣

坡仙雪雀

郭公功甫觀東坡畫雪雀有感作詩寄云平生才力信瑰奇今在窮

荒豈易歸正似雪林枝上畫羽翎雖好不
能飛東坡移廉寄荅云蚤知腐臭卽神奇
海北天南總是歸九萬里風安稅駕雲鵬
今悔不卑飛可憐倦鳥不知時空羨騎

鯨得所歸玉局西南天
一角萬人沙苑看孤飛

鳥嘴

犬名鳥嘴隨東波迂合浦戲作鳥啄本

鼎俎畫馴識賓客夜悍爲門戶知我當北
還掉尾喜欲舞跳跟趁僮僕吐舌喘汗雨
夜橋不肯躡徑渡清深浦拍浮似鵝鴨登
岸劇號虎盜肉亦小疵鞭箠當貫汝再拜
謝恩厚天下遺言語何
當寄家書黃耳定乃祖

杉葉詩

劉欣期交州記云合浦東百里有杉
樹葉落隨風入洛陽城內漢時有善

相者廉盛說此休徵當出王者特遣人伐
樹庾信詩傳聞合浦葉遠向洛陽飛吳均
詩三秋合浦葉九月洞庭枝薛道衡吳越
行杉葉朝飛向洛京文魚夜過歷吳洲皇
甫丹詩心隨合浦葉命寄首陽薇楊
盈川文合浦杉葉飛向洛陽

瑞蓮

琴軒集合浦朱均王于所居東鑿一池種蓮自娛沒後踰五十年不生永樂二

年夏池中忽出荷葉猶青錢踰旬則翠蓋紅華雲錦燦爛時均王有子瓊爲靖州同知瓊子惠明年登鄉榜後遂第進士爲監察御史所居在合浦北八十里

阿育王像

南史阿育王像晉咸和中丹陽尹高悝行至張侯橋見浦中五色光

長數尺不知何怪乃令人于光處得金像無有光跌悝乃下車載像還至長干巷首牛不肯進悝乃令馭人任牛所之牛徑牽至寺悝因留像付寺僧每至夜中常放光又聞空中有金石之響經一歲臨海漁人張係世于海口忽見有銅花浮出取送縣縣人以送臺乃施于像足宛然會合簡文咸安元年交州合浦人董宗之採珠投水底得佛光燄交州送臺以施于像又合焉自咸和中得像至咸安初歷三十餘年光

跌始具初高惺得像後有西域胡僧五人來詣惺曰昔于夫竺得阿育王造像來至鄴下逢胡亂埋于河邊今尋覓失所五人嘗一夜俱夢見像曰已出江東爲高惺所得惺乃送此五僧至寺見像噓歎涕泣更放光照燭殿宇

六眸龜

宋史萬安州宋太宗時嘗獻六眸龜今萬州也然欽州實產之張世南游

宦紀聞東坡謁呂微仲值其晝寢久之方出見便坐有昌陽盆綦綠毛龜坡指曰此易得耳唐莊宗時有進六日龜敬新磨口號云不要聞聽取龜兒口號看他六復眼兒睡一覺抵別人三覺世南嘗疑寓言以諷呂未暇尋閱質究因見嶺海雜記有載六目龜出欽州只兩眼餘四目乃斑紋金黃花園長中黑與真目并排皆正不偏仔細辨認方知爲非真目也

龍門

劉欣期交州記有龍門水深百尋大魚能越門者卽化龍否則曝腮點額血流

水恒如丹池卽欽州龍門江也按世傳皆

云禹鑿龍門欣期以爲欽州不知何據

潤洲

昔有野馬渡此又名馬渡洲之東南數十里有斜陽嶺純石峙海中然不若潤

洲有澳可以泊舟交州記曰潤洲有石室其裏一石如鼓形又榴木杖倚石壁採珠

人常致祭焉今遂溪縣西南二百里峙起西海中周圍七十里古名大蓬萊其洲四

圍皆海故名之洲上有溫泉黑泥可以浣衣令白如雪

鰲光

紀文譚于頔在南海夜忽曉如日初出移時却暗後海客言某日夜海中大金

鰲浮出目光耀如白晝徐復驗其日正同方知鰲光按嘉靖己未間夜四五鼓時天

忽明人物了了可辨訝其將明食頃忽暗瀕海鰲光理信有之

學士養母

唐書姜公輔爲翰林學士歲滿當遷尚書以母老賴祿而養求兼京

兆戶曹從之按公輔母黃氏靈山人父挺徙日南生公輔爲賢宰相

已亥聖君

府志僞漢天成中欽州羅浮山民掘得古劍以獻僞主劉陟劍有篆

文曰已與水同宮王將耳口同尹來居口

上山岫護重重國人莫之辨及平廣南競

傳其言知者云太宗以已亥年降誕是已

水同宮也於字耳口王爲聖尹口爲君重

山爲出蓋已亥年聖君出也按欽州羅浮

山本名安京羅浮乃後人以形似惠州羅

浮故改

名之

長鳴鷄

西京雜記成帝時交趾越裳國獻長鳴鷄鳴鷄卽刻漏驗之與畧度無差南越

志沈懷遠讚曰翠冠續莒碧距

麗陳就昏別夕望旭警晨

汚物

後漢書鍾意為尚書時交趾太守坐

地下拜曰此賊汚物故不敢拜帝笑曰清

牢水

水經註牢水南出交州合浦郡合浦縣

桓合縣曰桓亭寶權黃武七年改珠官郡

不產穀多採珠寶前政苛珠徙交趾孟伯

饒燈

天寶遺事南方有魚多脂束為油燭照

瞻米

六帖鄭畋請以嶺南塩鐵委廣州節度

米以瞻安南按欽州龍門江西行可以達

珠文甲

交州記鮫魚出合浦長三尺背有甲

瑞龍腦

雜俎交廣貢龍腦禁中呼為瑞龍腦上椎賜貴妃十枚香然十餘步

蚌珠

菽園雜記珠池居海中蛋人沒而得蚌剖珠蓋蛋丁皆居海艇中採珠以太船

環池以石縣大以水取珠氣迫則以人覺乃絞取人

緣大組上前志所載如此繫手足存耳因

水取人多葬鯊魚或繫手

議以鑊為耙取之所得尚少最後得令法

木柱板口兩角墜石用本地山麻繩絞作

兜如囊狀繩繫船兩旁准乘風行舟兜重

則蚌滿取法無踰此矣沈懷遠南越志珠有九品大五分以上至一寸八分分為人品有光彩一邊水似覆釜者名瑤珠

瑤珠之次為走珠走珠之次為滑珠滑珠之次為螺蚶珠螺蚶珠之次為官兩珠官

兩珠之次為稅珠稅珠之次為苧苻珠

萬震南州異物志合浦有民苦游採珠既

年十餘便教入水求珠官禁民採珠巧盜者蹲水底剖蚌得好珠吞之而出文獻

通攷云宋太平興國二年貢珠百斤七年貢五十斤徑寸者三年貢六百一十斤

皆珠場所採成化初內官管珠池初採一萬四千五百餘兩大約三石五斗次年

採九千六百餘兩每百兩餘四五兩大約一升重四十六七兩次年大者五十餘顆

計一斤重云價近白金五千兩此偶然之數也少時所得不償所失說本御史召洪

象牙

月山叢談象性最靈徐少溪從槐庭兄宜合浦其地有象非其土產乃從安南

來者能過海于水底行捕魚食之欲換氣則浮以鼻向天若植桅然良久復沒偶一

歲颶風大作不能呼吸羣象皆死數日浮泊岸牙骨悉為珠池太監所得其候以秋

七八月至食人禾稻村民悉起持兵器擊羅鼓罵之象佇聽良久轉羣奔去至他所